

и сътвори благочѣствій царь любовь между хиландарь и Зуграфъ да имають общее житіе и общу любовь мѣжду собою аще кто разорить еже азъ сътворихъ вамъ любовь общую имати мѣжду собою, и разорить сію заповѣдь да е проклять отъ съборъ еже мы заповѣдахомъ, и отъ прьви царіе и священны патріархы, иже написаше прьва сіа книга. и сіе доздѣ азъ испросихъ влѣто 6859 (1340) ✠ а отъ здѣ починае еже бѣше старописаніе, и пойдоше благочѣстивіи царіе и священны патріархы по путь и наидоше на едино място воду и въжежда благочѣстивіи царь Іоань воду пити и принесше ему слуга воду и въкуси и піе, и рече благочѣстивіи царь ту име мое да напишите, златя пячаты. и съдаше камара на вода и нарѣкоше Іоань камара, и пойдоше по путь по путь тамо до стьплъ и дѣже бѣше съгражень отъ прежде отъ благочѣстивіи цари за недужни чловѣци зане нѣбѣше манастири прежде, нѣ бѣху игуменары. и мало назадъ стръмно место каменито на путь отъ *ватопедьска* страна, и ту оставише вула святому георгію зано бѣше путь аронова обитель и премновае е костантіа и остави своя вула отъ южніе страни и пойдоше на връхъ на брьдо, и ту оставише вула святому георгію на западь а константиня остави вула на вѣстокъ и повѣлаа царева златя пячаты. и пойдоше низъ брьдо низбрьдо идѣже се дѣлить долу брьдо низъ доль долу та на голема рѣха на водѣница святому георгію та на море и повѣлаа царева мудраго льва златя пе-